

MASTER NEGATIVE
NO. 93-81335-17

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

VISCHER, WILHELM

TITLE:

INSCRIPTIONES
SPARTANAE PARTIM...

PLACE:

BASILIAE

DATE:

1853


Master Negative #

93-81335-17

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET


Original Material as Filmed - Existing Bibliographic Record

887.17
Z1 Vischer, Wilhelm. 1808-74.
Inscriptiones Spartanae partim ineditae octo.
Basiliae 1853. Sq.Q. 16p. 2pl.
Academic dissertation at Basel (Switz.) uni-
versity. 413628
No. 12 of a v.  of pamphlets.

Restrictions on Use:

TECHNICAL MICROFORM DATA

FILM SIZE: 35x REDUCTION RATIO: 13x
IMAGE PLACEMENT: IA IIA IB IIB
DATE FILMED: 4-28-93 INITIALS MBY
FILMED BY: RESEARCH PUBLICATIONS, INC WOODBRIDGE, CT




AIM

Association for Information and Image Management

1100 Wayne Avenue, Suite 1100
Silver Spring, Maryland 20910


301/587-8202




Centimeter



Inches



MANUFACTURED TO AIM STANDARDS
BY APPLIED IMAGE, INC.



No. 12.

MUNUS DOCTORIS

IN

UNIVERSITATE BASILIENSI

ANTE HAEC QUINQUE LUSTRA

A

VIRIS CLARISSIMIS

C. FR. MEISNER

PHIL. MED. ET CHIR. DOCTORE BOTANICES PROFESSORE P. O.

ET

CHR. FR. SCHOENBEIN

PHIL. DOCTORE PHYSICES ET CHEMIAE PROFESSORE P. O.

FELICITER SUSCEPTUM

DIE XVII NOVEMBRIS CELEBRANDUM

RECTORIS MAGNIFICI ET SENATUS ACADEMICI NOMINE

INDICIT

GUILELMUS VISCHER

LITTERARUM GRAECARUM PROFESSOR P. O.

1103
1120

INSCRIPTIONES SPARTANAE

PARTIM INEDITAE OCTO.

E LAPIDIBUS TRANSSCRIPSIT EDIDIT ILLUSTRAVIT

W.
GUILMUS VISCHER.

BASILIAE

TYPIS IOHANNIS SCHWEIGHAUSER ACADEMIAE TYPOGRAPHI.

MDCCCLIII.

Cum collegarum suffragiis mihi mandaretur ut professionem in litterarum Universitate Basiliensi a Viris Clarissimis, itemque mihi conjunctissimis, Carolo Friderico Meisner, philosophiae medicinae et chirurgiae doctore, botanices professore p. o. et Christiano Friderico Schoenbein, philosophiae doctore, physices et chemiae professore p. o. ante haec quinque lustra susceptam commentatione qualicunque indicerem, incertus haesi aliquamdiu, quod argumentum tractandum eligerem. Quid enim longius abesse videtur ab antiquis litteris, quam studia illa quae profitentur Viri Clarissimi, quorum alter genera plantarum ordinanda et illustranda non sine summa eruditorum laude sibi sumserit, alter vero chemiae mysteriis initiatus quasi novum quoddam fulminis genus invenerit! At cogitanti mihi non solum universas litteras artissimo inter se conjunctas esse vinculo, sed etiam utrumque duumvirum illorum, cum suae disciplinae decus, tum humaniorum quae vocantur studiorum fautorem et strenuum defensorem esse, animus mihi redditus est, neque ingratum facturus esse mihi visus sum, si argumentum vel e reconditioribus antiquitatis partibus sumtum hac scriptiuncula tractarem. Cumque nuper reversus sim ex itinere per Italiam, Siciliam, Graeciam orasque illas facto, quae quondam a colonis Graecis occupatae et quam maxime florentes nunc adhuc barbarorum sub dominatione ingemiscunt, nihil magis e re videtur, quam huius itineris fructus quosdam cum viris doctis communicare. Liceat igitur mihi inscriptiones aliquot Spartanarum e schedis meis depromptas breviter explicare. Cum enim mense Aprili huius anni, Spartae versarer, parvo oppido seu potius vico, in solo illustris quondam urbis exstructo, titulos aliquot, cum in ipsa urbe tum in vicinia transscripsi, quorum alios non sine voluptate plane ineditos*) alios minus accurate descriptos esse animadverti. Et quamvis neque rerum copia comparari possint illis qui proximis abhinc annis Athenis, ut opinantur in *βουλευτηρίῳ*, inventi sunt, neque nimia vetustate commenduntur, nihilominus non plane contemnendos esse facile videbunt, qui inspicere eos voluerint.

Ceterum cum in nostris officinis typi non inveniantur quibus diversae litterarum Graecarum figurae reddantur, tabulas lithographicas conficiendas curavi, quamquam multum abest ut ad eam similitudinem redactae sint, qua tituli latini a V. Cl. Ritschelio nuper editi conspicui sunt. Plerumque enim tempus defuit ad ectypum chartaceum faciendum, et fieri vix potest, ut transscribendo aliquis litterarum formas plane accurate reddat.

*) Lebasii inscriptiones inspiciendi copia mihi non erat, exceptis paucis illis quas edidit in «Revue de philologie.»

1.

Stele est fastigiata, quam Spartae vidi in horreo architecti cuiusdam. Lapis, si bene memini, calcareus est, altitudinem sine aetomate habet nonaginta centimetrorum gallicorum, latitudinem quinquaginta. Singulae litterae fere centimetrum et dimidium altae sunt.

πό(θ)οδον ποιησαμένου Δαμίωνος
 τοῦ Θεοκρίτου Ἀμβρακιώτα περὶ
 προξενίας καὶ ἐπελθόντος ἐπὶ
 τε τὰς συναρχίας καὶ τὸν δᾶ-
 5 μων καὶ ἀπολογισαμένου ᾧ ἦν πεποι-
 ηκὼς εὐχρηστα καὶ κατὰ κοινὸν καὶ
 κατ' ἰδίαν τοῖς ἐντυγχάνουσιν τῶν π(ο-
 λυ(ᾷ)ν, ἔδοξε τῷ δᾶμῳ προξενον
 εἶναι τὰς πόλεος Δαμίωνα Θεοκρίτου
 10 Ἀμβρακιώταν καὶ αὐτὸν καὶ ἐγγόνους
 καὶ ὑπάρχειν ἀτέλειαν αὐτῷ τε καὶ ἐγ-
 γόνοις καὶ γᾶς καὶ οἰκίας ἔγκτησιν
 ἐλ) Λακεδαίμονι· ὁ δὲ ἐγδο-
 τ)ῆρ (ἐγ)δότω στάλαν λιθίναν, εἰς ἃν
 15 ἀναγραφεῖσα (ᾧ) δεδομένα προξενί-
 α) ἀν(α)τεθήσεται εἰς τὸ ἱερὸν τὰς Ἀθάνας
 κατὰ συγγραφὰν, ἃν καὶ γράψῃ ὁ ἀρχιτέ-
 κ)των· τὸ δὲ ἀνάλωμα δόντω οἱ ταμίαι·
 ἐπα(νέ)σαι δὲ αὐτὸν καὶ ἐπὶ τᾷ ἐν-
 20 δαμίῳ καὶ ἀναστροφῇ, ᾧ πεποιῆται
 ἐν τᾷ πόλει καλεσάντω δὲ αὐτὸν
 καὶ οἱ ἱεροθῦνται ἐπὶ ξένια ἐπὶ τὰν κοι-
 νὰν ἐστίαν.

Litteraturae genus ad alterum primumve saeculum ante Christum natum referendum esse videtur. Dialectus est mitior illa Dorica, qua Spartanos post annum ducentesimum ante Chr. usos esse constat. cf. Ahrens de dialecto Dorica p. 405, 417.

Plebiscitum est, quo Spartani in Damionem, Theocriti filium Ambraciensem proxeniae iura et honores conferunt. Similes tituli Laconici sunt in C. J. n. 1334 et 1335, at non Spartanorum, sed alter Geronthratarum, alter foederis Laconici. Noster ipsorum Spartanorum est. Nam v. 9 Damion προξενος τὰς πόλεος declaratur, urbis non foederis, et hanc urbem aliam non fuisse, atque ipsam Spartam nomen Λακεδαίμων v. 13 docet.

πόθοδον correxi pro ΠΟΘΟΔΟΝ, quod in apographo habeo. Dorica est forma pro πρόσδοον, ut in titulo Corcyraeo C. J. n. 1845. v. 39 aliisque multis. πόθοδον sive πρόσδοον ποιῆσθαι formula vel ex oratoribus Atticis notissima, saepissime in inscriptionibus invenitur, idemque significat quod ἐπέρχεσθαι, quocum hic juncta est cf. C. J. n. 2271 v. 4. Non igitur mirum, ἔφοδον quoque eodem sensu in usu fuisse, de quo cf. C. J. n. 2053. b. v. 10, n. 2056. v. 20, n. 2477. v. 6, n. 2347. v. 2. Ross inscr. ined. fasc. II. n. 113. Meier de proxenia p. 17.

v. 4. αἱ συναρχίαι. συναρχία est collegium magistratum, ut Spartae ephorum, patronorum, senatorum cett. Vide Boeckh. C. J. I. p. 610. Sed in nostra inscriptione habemus τὰς συναρχίας, non unum tantum collegium, sed conventum collegiorum magistratum, qualem in variis Graecorum civitatibus iam satis antiquis temporibus contionis vices gessisse Aristoteles auctor est, Polit. IV, II, 3. καὶ ἐν ἄλλαις δὲ πολιτείαις βουλευόνται αἱ συναρχίαι συνιῶσαι. Post Aristotelem saepius memorantur, ut a Polybio IV, 4 Messeniorum, XXVII, 2 Achaeorum, et videntur in civitatibus modo maiorem, modo minorem potestatem habuisse, ita ut in aliis ad senatum et populum referrent, in aliis ipsius senatus munere functae ad solum populum. Aegosthenis certe συναρχίαι referunt ad senatum populumque, ut docet titulus Megarensis editus a Welckero in Bulletino dell' Instituto Archeol. 1843. p. 169 et repetitus in kleine Schriften III. p. 342, quem cetera praeclare explicantem in eo tantum errasse arbitror, quod συναρχίας aesymnetarum seu prytanum loco per singulos menses rempublicam gessisse et ad senatum retulisse statuit. Nam Megaris ipsis συναρχίαι memorantur una cum aesymnetis in titulo nisi fallor adhuc inedito, quem Aprili huius anni ipse transscripsi. Cuius initium cum in meo apographo ita se habeat

ΣΙΝΑΡΜΑΙΠΡΟΕΒΟΥΛΕΥΣΑΝΤΟΠΟΤΙΤΟΥΣΑΙΣΙΜΝΑΤΑΣ
 ΒΟΥΛΑΝΚΑΙΤΟΝΔΑΜΩΝ

dubium non est, quin legendum sit: συναρχίαι (sive αἱ συναρχίαι) προεβουλευσαντο ποτὶ τοὺς αἰσινάτας (καὶ τὰν) βουλὰν καὶ τὸν δᾶμον. Retulerunt igitur αἱ συναρχίαι ad aesymnetas, senatum et populum. Iam cum Aegosthenae oppidum Megaricum esset, verisimile est, ibi quoque senatui aesymnetas (αἰσινάτας) seu prytanes praefuisse, quos in decreto omissos esse nemo mirabitur, quippe qui nihil aliud quam senatus pars essent. In titulo vero nostro Spartano, cum αἱ συναρχίαι et populus coniuncti sint, nulla senatus mentione facta, videntur Spartae tum temporis magistratus collecti rempublicam ita gessisse ut si non in omnibus at in nonnullis negotiis non interveniente senatu cum populo agerent, neque improbabile est ipsum senatum, (γερονσίαν) quem vel tempore Romano exstitisse scimus (vide Boeckhium in C. J. I. p. 618), cum ceteris magistratibus conventum magistratum, sive τὰς συναρχίας effecisse. Ceterum cum his συναρχίαι possunt comparari τὰ τέλη sive οἱ ἐν τέλει, quorum Thucydides et Xenophon saepe mentionem faciunt, neque alienum, quod in aliis quoque civitatibus identidem οἱ ἄρχοντες una cum senatu et populo commemorantur ut in titulo Amorgino C. J. n. 2269 ἔδοξε ἄρχουσι βουλῇ δήμῳ, in Olbiopolitanis n. 2061. n. 2062.

ἔδοξε τοῖς τε ἄρχουσι καὶ τῇ βουλῇ καὶ τῷ δήμῳ, et similiter in Dymaeo n. 1543 *Δυμαίων τοῖς ἄρχουσι καὶ συνέδοις καὶ τῇ πόλει χαίρειν*.

Δαμίων, nomen nunc civis Ambraciensis, Spartae usitatum fuisse demonstrant tituli Spartani C. J. n. 1289. b. n. 1296 et titulus itidem Spartanus ab H. Sauppio editus in Museo Rhenano novo IV. p. 159. In Papei Lexici prima editione desideratur, alteram nondum inspexi.

Cum alias civis aliquis eius civitatis, quae proxeniam conferret, rogationem ferre soleret, qua de re consulas Meierum in libello de proxenia p. 13., exordium nostri tituli docet Damionem ipsum apud magistratus populumque proxeniam petiisse et merita sua recensuisse, cuius rei aliud exemplum desidero. Quamquam non dubito quin saepius factum sit. Nam in plerisque huiusmodi decretis, aut brevissimo aut nullo praemisso exordio, de rogatione omnino siletur et id tantum dicitur proxeniam a civitate in aliquem esse collatam, quod aut ipso peregrino petente aut cive quodam pro eo rogante fieri potuit.

v. 5. ἀπολογίζεσθαι est enumerare, recensere. Suidas s. v. ἀπολογίσασθαι τὸ ἐπεξελεῖν ἕκαστα. Δημοσθένης. cf. Grammaticum apud Bekk. anecd. p. 730. 15 et Zonaram c. 266. Demosth. c. Timocr. §. 108 βούλομαι τοῖνυν ὑμῖν, ἃ ὑπεσχόμην ἐν ἀρχῇ τοῦ λόγου, ἀπολογίσασθαι πεποιηκότα ἑμαυτὸν, ubi libri manuscripti perperam ἀπολογήσασθαι. Alias significat rationes reddere, ut C. J. n. 1845 v. 95. 97. 104.

v. 10 ἐγγόνοις forma in inscriptionibus usitatissima pro ἐγγόνοις.

v. 13. Quid inter γὰς καὶ οἰκίας ἔγκειται et Λακεδαίμονι legendum sit, nondum assecutus sum, Spatium est fere decem litterarum, sed ita sunt detritae in lapide ut certi nihil eruere potuerim, neque litteras quas in transscribendo mihi agnoscere visus sum, veram lectionem praeberere affirmavimus. In ectypo chartaceo, quod feci, satis perspicuae exstant litterae OIE, nisi forte pro O est Θ Minus certae sunt OII initio et X post E, certum A ante Λακεδαίμονι. In lacuna post X videntur duae litterae fuisse, ante A suspicor E, ut legendum sit ἐλ Λακεδαίμονι i. e. ἐν Λακεδαίμονι. Sensus requirere videtur ὅπῃ καὶ θέλῃ ἐλ Λακεδαίμονι vel tale quid, quocum conferri potest C. J. n. 2230 v. 11 καὶ πρὸς φυλὴν καὶ φρατρίαν προσγραφῆναι ὅποιαν αὐμ βούλωνται, vel n. 2483. v. 21 ἐξέστω δὲ αὐτῷ καὶ ἀνάθημα ἀναθέμεν ὅπῃ καὶ χρήζη.

ἐγδοτήρ, vocabulum aliunde non notum, idem qui ἐγδότης in titulo Syrio C. J. n. 2347. c. v. 60 squ. ἐλέσθαι δὲ ἄνδρα ὅστις ἐγδώσει τὴν στήλην καὶ στήσει καὶ ἐπιμελὲς ποιήσεται ὅπως ἀναγραφῇ τόδε τὸ ψήφισμα· τὸ δὲ ἐσόμενον ἀνήλωμα εἰς τε τὴν στήλην καὶ τὴν ἀναγραφὴν δότω ὁ ταμίης Ἀρισταγόρας ἀπὸ τῆς ἐγκυκλίου διοικήσεως καθότι ἂν συντελέσῃ ὁ ἐγδότης. At cum in titulo Syrio ad erigendam columellam ἐγδοτήν creandum esse statuatur, e titulo Spartano id effici videtur ut Spartae ὁ ἐγδοτήρ ordinarius magistratus seu minister fuerit, cuius esset opera publica locare.

ἐγδοῦναι i. e. ἐκδοῦναι τὴν στήλην significare conficiendam columellam locare docuit Boeckhii I. I. Ceterum confer quae de magistratibus, quibus cura decreti scribendi et columellae erigendae in variis civitatibus commendari solebat, disputavit Meierus de proxenia p. 25 et die Privatschiedsrichter und die öffentlichen Diäteten Athens p. 50.

v. 16. τὸ ἱερὸν τῆς Ἀθάνας, quamquam Minervae Erganes et Ophthalmidis templa Spartae fuisse constat, tamen hic Chalcioeci templum significare non est, de quo dubites. Minerva enim Chalcioecus erat Πολιοῦχος, urbis tutrix, templumque longo sanctissimum Spartae habuit, ita ut Minervae nomen, nullo addito epitheto, non nisi hanc significare possit. Erganes contra et Ophthalmidis fana seu sacella videntur in ambitu ipsius Chalcioeci templi (ἐν τῷ τεμένει, ἱερῷ περιβόλῳ) sita fuisse. Pausanias III. 17. 18. Curtius Pelop. II. p. 227 squ. Ceterum non ipsa aedes, sed totus locus sacer (τὸ τέμενος) intelligendus esse videtur, ut Athenis decreta publica plerumque in arce, non in ipsa Minervae aede ponebantur.

v. 17. συνγραφὰ est contractus de columella erigenda.

ὁ ἀρχιτέκτων videtur hic non redemptor esse, cui columella conficienda erigendaque locabatur, (ἐργολάβος, ἐργώτης, μισθωτής) quamvis plerumque architectos opera publica redemisse sciamus, qua de re confer Boeckh. Oecon. Publ. Ath. I. p. 219. (p. 256 ed. alt.), sed potius architectus publicus operibus a civitate decretis praefectus, quales in titulis Atticis et Delio (C. J. n. 2266) commemorari, idem Boeckhii I. I. monuit. Neque diversus est, qui in titulo Cretico a Lebasio in „Revue de philologie“ I. p. 266 squ. edito nominatur. Quod si recte statuimus, videtur sensus esse contractum (τὰν συνγραφὰν) a locatore (ἐγδοτήρ) una cum architecto publico conscribendum esse. Sed, ut verum fatear, videtur mihi hoc paullo obscurius dictum esse et suspicor me in describendis his litteris paullulum a vero aberrasse et pro καὶ in lapide scriptum esse κα, quamvis etiam in ectypo chartaceo, quod hoc loco non bene expressum esse doleo, inter KA et Γ spatium fere unius litterae esse videatur. Quod si legitur ἂν κα γράψαι, γράψαι est conjunctivus Aoristi, qua de forma Dorica consulas Ahrens. de dial. Dor. p. 294. Confirmatur haec lectio inscriptione Cretica supra laudata, in qua formula καὶ ὁ καὶ ὁ ἀρχιτέκτων συνγράφῃ plane congruit cum verbis κατὰ συνγραφὰν ἂν κα γράψαι ὁ ἀρχιτέκτων. Attamen dubitavi conjecturam in textum litteris minusculis scriptum recipere. Architectus Spartanus, nomine Damocrates, quem et ipsum magistratum publicum fuisse Keilius suspicatus est, commemoratur in titulo a Welckero Spartae descripto et edito in Bulletino dell Instituto Archeol. 1844. p. 145 et repetito in Kleine Schriften III. p. 251, itemque a C. Keilio in doctissima commentatione: Zwei griechische Inschriften in Sparta und Gytheion. Leipz. 1849.

v. 18. δόντω et v. 21 καλεσάντω Dorica forma imperativi pro δόντων et καλεσάντων cf. Ahrens de dial. Dor. p. 296.

v. 18. ταμίαι Spartani hucusque noti non erant, nisi ex C. J. n. 1240 col. III. v. 21, ubi Boeckhii ταμίης restituit. Nam qui in titulo Laconico C. J. n. 1335 nominatur ταμίης, non Spartae, sed communionis Laconicae magistratus est. Titulus noster plures fuisse docet, E tituli Olbiopolitani C. J. n. 2058 B. v. 65 verbis ἐπὶ τῆς κοινῆς οἰκονομίας καὶ ταμείας γενόμενος potuerit aliquis suspicari ταμίαν eundem fuisse, qui in aliis titulis οἰκονόμος nominatur (C. J. n. 1276 tit. Welckerian. supra laud. v. 10.) At οἰκονόμος Spartae quidem videtur potius minister, quam magistratus fuisse, cum Φιλοδέσποτος qui n. 1276 οἰκονόμος, n. 1239 II. 9 δημόσιος sit. Ταμίαι autem erant magistratus.

v. 19. Pro *ἐπα(ν)ῆσαι* quod in apographo est, ectypum chartaceum *ἐπαιέσαι* praeberere videtur, quod recipere non dubitavi, cum haec forma etiam apud Dorienses sola in usu fuisse videatur, quamvis Pindarum epicam formam Aoristi usurpasse constet. Vide exempli causa C. J. n. 1693. v. 14. n. 2483 v. 10. Curtii Anecdota Delph. n. 41. v. 9. n. 42. v. 8. Ross. Inscr. Ined. fasc. II. n. 175. v. 21 v. 20. Formula *ἐπὶ τῇ ἐπιδαμῇ καὶ ἀναστροφῇ ᾗ πεποιήται* usitatissima est in talibus decretis. Cf. C. J. nn. 1193. 1331. 1339. all.

v. 22. *ἱεροθύτας*, quamvis ab auctoribus rarissime commemoratos in multis Graecorum civitatibus fuisse ex inscriptionibus novimus. Phigaleae tres fuisse Pausanias VIII. 42. 12 narrat, Messeniae occurrunt in titulo Messenio C. J. n. 1297. Franz Elem. Epigr. n. 113. Agrigenti *ἱεροθύτας* magistratus eponymus est C. J. n. 5491, itemque Segestae C. J. n. 5546 et Melitae C. J. n. 5752. Frequentissima autem eorum mentio fit in titulis urbis Lindi in Rhodo insula, ubi collegium minime quindecim *ἱεροθυτῶν* erat, cuius princeps *ἀρχιεροθύτας* nominabatur. Ross Inschriften von Lindos auf Rhodos, in Museo Rhen. nov. IV. p. 161 squ. n. 9 n. 17. Inscriptiones Inedit. fasc. III. n. 271. v. 20. Convenire solebant in *ἱεροθυτείον*, quod cum *ἱεροθυσίῳ* Messenio a Pausania IV. 32. 1 memorato et prytaneo Atheniensium iam comparavit Rossius l. l. Ut Athenis *σῆσις ἐμ πρυτανείῳ* sic Lindi *σῆσις ἐν ἱεροθυτείῳ* civibus de republica bene meritis decerni solebat. Vide titulos n. 1. v. 7. n. 21. v. 8. n. 22. v. 9. in Museo Rhen. l. l. A Lindiis colonis Agrigentinis *ἱεροθυτῶν* institutum recepisse verisimile est. Spartae quoque *ἱεροθύτας* fuisse nunc primum discimus. Prae-erant *τῇ κοινῇ ἐστία*, peregrinosque, quibus decreto populi honor esset habendus, istuo ad coenam vocabant. Erat igitur *ἀ κοινὰ ἐστία* Spartae idem quod *ἱεροθυτείον* Lindi, quod *πρυτανεῖον* Athenis et aliis in civitatibus, seu ut accuratius loquar, appellabant Lindii aedificium, in quo *ἡ κοινὴ ἐστία* erat, *ἱεροθυτεῖον*, Athenienses alique *πρυτανεῖον*, quam ob rem etiam *πρυτανεῖον* et *ἡ κοινὴ ἐστία* coniunguntur, velut in titulo Delphico apud Ulrichs Reisen in Griechenland I. p. 67 *καλέσαι δὲ αὐτὸν καὶ ἐν πρυτανεῖον ἐπὶ τὰν κοινὰν ἐστίαν*. Iam verisimile fit cives illos, qui Spartae *σπη-θέντες*, *ἐναιτοί*, *σύσσιτοι* nuncupati, saepe in titulis obviam sunt, ad *κοινὰν ἐστίαν* i. e. in aedificio in quo erat *ἀ κοινὰ ἐστία* coenam habuisse. Ceterum vide de his Welcker. in. adnotatione ad titulum Spartanum supra laudatum, C. Keil. Zwei Inschriften p. 4. 5, de *σπηθεῖ ἐμ πρυτανείῳ* in universum et de coena peregrinis data Meierum de proxenia p. 16, Die Privatschiedsrichter und die öffentl. Diäteten p. 50. de vita Lycurgi p. XCI squ. C. Keil. Sylloge Inscript. Boeot. p. 26 et, quem hic laudat, Voemeli in disquisitione „De locutione *ΕΠΙΞΕΝΛΑΚΑΕΙΝ*“ (programm. Francof. 1831. p. 14.)

2.

Fragmentum inscriptionis in marmore albo, in eodem horreo inter alios lapides aedificiis extruendis iacens. Litterae quinque centim. gall. altae.

3.

Spartae ante murum, qui ab inferiore theatri parte orientem versus porrigitur, in marmore albo Litterae maximae sunt, sed ut in superiore titulo maior pars deest, quam ut aliquid restitui possit,

4.

Apud vicum Mahmud-Bey, fere quartam horae partem a Slavochorio distantem. Ubi cum nova ecclesia *τῆς ἁγίας Παρασκευῆς* extrueretur, effodiebant in vicinia hic illic lapides quadratos, antiquorum aedificiorum reliquias, quas in illis locis ubique terra abscondit. Celeberrimum enim Amyclaeum situm erat ubi nunc Slavochorion (Curt. Pelop. II. p. 247) neque longe aberant oppida quondam florentia Amyclae et Pharis. Quo cum venirem, vidi in scrobe nuper facta lapidem marmoreum album. Verto illico in alteram partem, et ecce, est pars superior columellae sive arae cum inscriptione brevissima quidem at bene servata. Litterae paulo negligentius incisae sunt fere 2—3 centim. altae. Litteraturae genus videtur ad idem fere tempus referendum esse, cui n. 1 assignavi, scilicet in secundum primumve ante Chr. saeculum, litterae *Π* figura etiam antiquior, quam in illo titulo, quamvis sciam in inscriptionibus posterioris quoque temporis hanc formam hinc inde inveniri, velut apud Franz. Elem. Epigr. n. 111.

*Επὶ Πρατονίκου
πεδιανόμοι.*

Videtur initium catalogi magistratuum esse, quales multi exstant in Corp. Inscr., et plane convenit n. 1267

*νομοφύλακες
ἐπὶ Πομπηίου*

nisi quod in nostro eponymus ante magistratum positus est. Quod si res ita se habet, sequebantur nomina singulorum magistratuum in parte inferiore columellae, quae nunc deest. Nonne vero fieri potest, ut inscriptio integra sit et id tantum indicet, monumentum, cuius pars haec corona erat, a pedianomis Pratonico patronomo, positum esse? Utut hoc est, titulus non exigui est momenti, quod magistratum aliunde plane ignotum, immo novum vocabulum praeberet. Nam *πεδιανόμος* nusquam alias, quod sciam, occurrit. Proxime tamen accedit altera forma eiusdem vocis, *πεδιονόμοι*, qua tamquam deorum epitheto usus est Aeschylus Septem. v. 254.

*ἐγὼ δὲ χώρας τοῖς πολισσοῦχοις θεοῖς
πεδιονόμοις τε ἀγορᾷς ἐπισκόποις
κ. τ. λ.*

Θεοὶ πεδιονόμοι, qui *ἀγορᾷς ἐπισκόποις* opponuntur, sunt dii qui agros tuentur. Vide Wieseler Beiträge zur Kritik und Erklärung von Aesch. Agam. und Eumenid. in Schneidewini Philol. VII. p. 110. Ut autem *θεοῖς ἀγορᾷς ἐπισκόποις* magistratus agoranomorum respondet, quem cum in plurimis aliis Graecorum civitatibus tum Spartae exstitisse scimus (Boekh. l. I. p. 610. H. Sauppe in Nov. Museo Rhenano IV. p. 159) ita *θεοῖς πεδιονόμοις* collegium pedianomorum. Quorum quod fuerit munus docet Aristoteles Polit. VI. 5. 3 et 4 *ἐτέρᾳ δὲ ἐπιμέλειᾳ ταύτης ἐχομένη καὶ σύνεγγυς ἡ τῶν περὶ τὸ ἄστυ δημοσίων καὶ ἰδίων, ὅπως εὐκοσμίᾳ ἦ, καὶ τῶν πιπτόντων οἰκοδομημάτων καὶ ὁδῶν*

σωτηρία καὶ διόρθωσις, καὶ τῶν ὀρίων τῶν πρὸς ἀλλήλους, ὅπως ἀνεγκλήτως ἔχῃσι, καὶ ὅσα τού-
τοις ἄλλα τῆς ἐπιμελείας ὁμοιότητοια. καλοῦσι δ' ἀστυνομίαν οἱ πλείστοι τὴν τοιαύτην ἀρχὴν,
ἔχει δὲ μόρια πλείω τὸν ἀριθμὸν, ὢν ἑτέρους ἔφ' ἑτέρα καθιστᾶσιν ἐν τοῖς πολυανθρωποτέrais
πόλεσιν, οἷον τειχοποιούς καὶ κρητῶν ἐπιμελητὰς καὶ λιμένων φύλακας.

4. Ἄλλη δ' ἀναγκαία τε καὶ παραπλήσια ταύτῃ· περὶ τῶν αὐτῶν μὲν γὰρ, ἀλλὰ περὶ τὴν χώραν
ἐστὶ καὶ τὰ περὶ τὰ ἔξω τοῦ ἀστεος· καλοῦσι δὲ τοὺς ἀρχοντας τούτους οἱ μὲν ἀγρονόμους οἱ
δ' ὕλωρους.

Cum his confer, quae Plato de legg. p. 760 squ. de agronomis instituendis praecipit, quo de loco
me monuit C. Fr. Hermannus, qui nuper, dum Basiliae versabatur, hunc titulum apud me viderat. Hoc
enim patet Platonis Aristotelisque ἀγρονόμους eisdem esse, qui in nostra inscriptione πεδιανόμοι
dicantur. Habebant igitur hi pedianomi curam agri publici, aedificiorum publicorum extra urbem si-
torum, viarum et aquarum, cavebant ne termini fraude mutarentur omninoque securitati in agro
prospiciebant.

De tempore quo hic magistratus Spartae sit institutus, nil constat, nisi quis suspicatur nomen
quidem pedianomorum non ante Aristotelem exstitisse, quippe qui ἀγρονόμων et ὕλωρων nomina
recenseat, at non πεδιανόμων. Sed quam leve sit hoc argumentum, facile perspiciet, qui cogitave-
rit omnia magistratus nomina enumerare Aristotelis non fuisse, qui paullo ante agoranomorum mu-
nere accurate descripto de nomine omnino tacuerit. Certe omnibus temporibus talem magistratum,
etiamsi forte alio nomine, Spartae fuisse non est quod dubites.

Ad formam πεδιανόμος quod attinet, plane quadrat πολιανόμος, quod apud Dionem Cass. 43.
28, 48 et in titulis legitur.

Pratonicus patronomorum princeps est, quem post Cleomenis III tempora, Spartae eponymum
fuisse luculenter docuit Boeckhius C. J. I. p. 605. Eiusdem nominis eponymus est in C. J. n. 1250,
et n. 1276, cui praenomen Publio. Idemne fuerit incertum est. Nam nomen Pratonicus tam frequens
erat Spartae, ut plures huius nominis patronomos eponymos fuisse non sit quod quis miretur. Prae-
ter P. Pratonicum est Πρατόνικος Λυσινικίδα n. 1246 v. 7, Σείτιμος Πρατονείκου n. 1239 col. 2. v. 12.
ΠΡΑΤΟΜΕ n. 1283. v. 10 pro quo Πρατόνεικος restituit Boeckhius, Πρατόνικος ἐκ Περγύλας in ti-
tulo supra laudato a Welckero edito v. 22, Πρατόνικος Ἐπιστράτου πατρονόμος in titulo a Leba-
sio Magulae prope Spartam invento et edito in „Revue Archéol.“ II. p. 639, repetito a C. Keil. Zwei
Griech. Inschriften p. 3, Πρατόνικος Ἀρχιτέα in titulo, quem ipse transscripsi Paroriae. Vide infra
n. 7. De Dorica forma Πρᾶτος pro πρῶτος nominibusque propriis inde derivatis confer Ahrens.
de dial. Dor. p. 181, C. Keil. Anal. Epigr. et Onom. p. 77.

5.

Spartae in muro domus novae, si possessori fides, fere quatuor mensibus ante quam illic venirem
reperitus, i. e. sub initium anni 1853. Litterae sunt satis magnae.

Ἀντοκράτορι
Καίσαρι Ἀδρι-
ανῷ Σεβα-
στῷ Σωτῇ-
ρι.

Similes tituli sunt in C. J. n. 1309—1312.

6.

Ibidem in muro alius domus versus viam in lapide rubro.

Καλλικράτη
χαῖρε.
Διόκλεια
χαῖρε.

Καλλικράτη vocativus est nominis proprii Καλλικράτης, quae forma in titulis non raro ob-
viam est. Sic in titulo Argivo C. J. n. 1153 Μενεκράτη χρηστὴ χαῖρε (cf. nn. 1148 1150. 1154) in Boe-
otico apud C. Keil. Sylloge Inscr. Boeot. LXII. c. Εὐκράτη cf. Franz Elem. Epigr. p. 233. Ahrens
de dial. Dor. p. 235. Quamvis possit alicui in mentem venire mulieris nomen esse pro vulgari forma
Καλλικράτεια, ut Ἰπποκράτη apud Appollodorum II. 7. 8. At cum mulierum nomina in κράτεια
seu κράτια desinentia in titulis Spartanis frequentissima sint, contra in κράτη nullum inveniatur,
neque in aliis inscriptionibus me exemplum huius formae videre meminerim, pro certo habeo vo-
cativum nominis Καλλικράτης esse. Praeterea hoc nomen proprium Spartae frequentissimum erat.
Vide C. J. nn. 1240, 1241, 1243, 1248, 1249, 1252, 1256, 1271, 1284, 1375, 1395, 1405, et tit. Welcker.

Διόκλεια dicitur, quae vulgo Διόκλεια audit, ut C. J. n. 759. Tertia horum nominum forma
est in εα, ut Νικόκλεα, Δαμόκλεα, Ἰερόκλεα v. Ahrens. d. dial. Dor. p. 188 Lobeck. Pathol. I. gr.
p. 41 squ.

Callicrates et Dioclia videntur coniuges fuisse.

7.

Paroriae, suburbio Misithrae in fonte sub platanis grandissimis, quo loco amoeniorem non
novi. Litterae valde detritae et lectu difficillimae sunt. Transscripsit iam et edidit Ludovicus Ross
Inscr. Gr. Ined. fasc. I. n. 27, sed minus integrum, quamquam neque mihi contigit ut omnia legerem.
Quae in illius apographo differunt, haec sunt.

Tres primi versus plane desunt. v. 4. . . ΚΑΕΙΛΑΣ, omisso Ω. v. 6. ΟΑΣΩΝ v. 7. ΚΑΛΙΜΑΧΟΣ
v. 8. . . ΙΑΙΛΙΣΚΙΩΡΟΣ v. 9. deest.

Ἀγ(ο)ρ(α)νό(οι)
ἐ(π)ὶ Σοιξι(α)δα

Πρατόνικος Ἀρχιτέα
Σωκλείδας Πίστου
5 Δίων Τιμοφάνεος
..... Ἀνδρονίκου
Καλλιμάχος Καλλιμάχου
.....
Ἀθηνίων.

Catalogus magistratuum est. Quod restitui in versu primo et secundo, dubitanter tantum in textum litteris minusculis scriptum recepi, quamquam ἐπὶ Σοξιάδα certum videtur. Est nomen patronimi eponymi. Sed quid sit illud Σ, quod habeo in initio versus secundi, non video, nisi forte sub eo latet οἱ, ut sit ἀγορανόμοι οἱ ἐπὶ Σοξιάδα. Articulus in huius modi titulis modo deest, modo additur, ut C. J. n. 1248 ἔφοροι οἱ ἐπὶ Ἀ(ν)τικοῦ.

De agoranomis, qui in locum veterum ἐμπελώρων successerint, vide praeter Boeckh. C. J. I. p. 610, H. Sauppium in N. Museo Rhenano IV. p. 159. Nomen Σοξιάδας laudat Boeckh. ad. C. J. n. 1271. e Maffei Museo Veronensi p. 21. 5. ubi, ut in meo apographo lapidis Paroriani, ΣΟΙΞΙΑΔΑ scriptum erat. Similia nomina Spartana sunt Σοξιστέλης C. J. n. 1271, n. 1282, n. 1373. Σοξισππος n. 1457, quae a verbi σῶζω forma Laconica σοῖδω Aorist. ἐσοῖξα ducta esse vidit C. Keil. Anal. Epigr. et Onom. p. 117.

Ἀρχιτέα genitivus est nominis Ἀρχιτέας aliunde non noti, quod forte cum Ἀρχύτας cohaeret, cum v et i saepe inter se commutentur. De terminatione nominum priorum in εας egerunt. Lobeck Paralip. p. 239. C. Keil Anal. Epigr. et Onom. p. 71. Non exstat hoc nomen in Papei lexico.

Σωκλείδας nomen Spartae satis frequens est. Apud Xenoph. Hell. VII. 4. 19 est Σωκλείδας ὁ Σπαρτιάτης, C. J. n. 1239 Σωκλείδας Εὐδάμου, n. 1262. Ἀγησίνοκος Σωκλείδα, apud Ross. Inscr. Ined. fasc. I. n. 22 ἐπὶ Σωκλίδα. Vide C. Keil. Anal. p. 76.

Πίστος Spartae occurrit C. J. n. 1278, n. 1320. Eiusdem radicis est Ἀπιστος n. 1273.

Δίων patronomus eponymus est n. 1254.

Τιμοφάνης. Notus est huius nominis tyrannus Corinthius, Timoleontis frater, Plut. Timol. 3, 4. Quod v. 6 Rossius recepit Θράσων neque illius neque meo apographo bene convenit, cum littera ante A aut O aut Θ sit. Quid vero hic lateat me plane nescire fateor, an forte Κιθαριῶν?

v. 7. Notum est signum in titulis Laconicis, quo significatur patris nomen idem fuisse ac filii Boeckh. C. J. I. p. 613. Franz Elem. Epigr. p. 374. Inter versum septimum et octavum spatium ceteris maius est. Litterae versus octavi, ut primi et secundi, itidem paullo maiores sunt. Versus 8 quomodo explicandus sit, ignoro. Erat cum cogitabam latere hic Dioscurorum nomen.

Ἀθηνίων fortasse ut in C. J. n. 1271 est minister (ὑπηρετής), cum in fine tituli positus esse videatur, et patris nomen, ut saepe in ministris, omissum sit. Certe ipsorum magistratuum (si recte vidi, agaranomorum) recensio versu septimo finitur, ita ut quinque habeamus, numerum etiam in aliis magistratibus Spartanis usitatum. Obstare quidem videtur titulus ab H. Sauppium in N. Museo

Rhen. IV. p. 159 vulgatus. In illo enim nominatur unus agoranomus et sequuntur septem σύναρχοι¹⁾ unde collegerunt octo fuisse agoranomos. At hoc non plane certum. Nam in alio titulo a Lebasio edito et iterum a C. Keilio Zwei Gr. Inschriften p. 3 sex sunt patronomi et sex σύναρχοι, quod docet τοὺς συνάρχους non semper plane eosdem fuisse, ac magistratus ante eos nominatos. Praeterea aliorum quoque magistratuum numerus non in omnibus inscriptionibus idem est (v. Boeckh. C. J. I. p. 608, 609) et potuit aliis temporibus alius esse, velut bideos Pausanias quinque esse refert, in titulo autem n. 1364 sex sunt.

8.

Spartae ante scalam domus Phikioli ante aliquot annos exstructae, in solo, loco parum idoneo servandae inscriptioni, quae nisi lapis in alium locum transpositus fuerit, brevi omnino evanescat necesse est. Nunc tamen adhuc omnia bene leguntur, excepta lacuna in primo versu, ultimisque litteris. Praeter haec nihil deest. Lapis et calcareus durus, metrum gall. latus, 55 centim. altus, litterae fere 3 centim. altae. Est titulus C. J. n. i. 1420, quem Fourmontus Magulae inter Spartam et Misithram „in ecclesia τῆς Ταχιάρχης“ sed minus accurate descripsit. Varias lectiones Fourmonti hae sunt.

v. 1. ΗΠΟΛΙ . . . ΜΩΝΑΙΩΝΙΟΥΑΙΟΝ v. 3. . . Γ. . . ΝΙΕΥΚΗΣΑΝΤΑ, tum deest I in fine. v. 4. ΗΠΟΛΑ v. 5. initio ΙΠΙ v. 6. post καὶ itidem ΙΠΙ, tum ΤΜ v. 7. pro littera quarta Θ, forma vetustior cum duabus lineolis in circulo, crucis speciem exhibentibus. ΕΜΩΛΗ pro ΕΝΩΛΗ, ΕΑΑΑΑΙ pro ΕΑΑΑΑΙ v. 8. ΑΟΝΙ omisso Α, et deest ΚΑΙΚΡΗΤΩΝ.

In sinistro latere trium primorum versuum nihil deest, sed lapis nescio qua de causa statim ab initio hic sine litteris mansit. Plurima jam Boeckhius correxit, quantum quidem e Fourmonti apographo fieri potuit. Nunc ita fere erit legendum.

ἡπό(λις ἢ Σ)μυρναίων Γαῖον Ἰούλιον
Ἰουλιανὸν τὸν ἴδιον πολεῖτην
νικῆσαντα τραγωδοῦς οὐραν-
αδα(?)τρίς καὶ Πύθια καὶ κοινὰ Ἀσίας
5 τρίς καὶ τοὺς λοιποὺς ἀγῶνας πενταετη-
ρικοὺς τε καὶ τριετηρικοὺς τῷ(?) πολει-
τευθέντα δὲ ἐν ὅλῃ τῇ Ἑλλάδι καὶ Μακε-
δονίᾳ καὶ Θεσσαλίᾳ — καὶ Κρητῶν . .

Inscriptio est dedicatoria statuae vel similis monumenti, quod Smyrnaei civi suo ob victoriam,

¹⁾ Cautè I. Keil. Zwei Inschriften p. 11. Wenn z. B. in dem zuletzt gedachten Titel nach einem Agoranomos und seinem Eigennamen σύναρχοι und die Namen folgen, so heissen diese σύναρχοι ausserdem ohne Zweifel offiziell ebenfalls ἀγορανόμοι.

in certaminibus Spartanis Uraniis reportatam Spartae posuerunt. Plane eodem modo Gortynii et Nicomedenses cives suos Delphis honoraverunt, vide tit. C. J. n. 1719, n. 1720.

Pro *οὐρανιάδα* Boeckhii scripsit *οὐράνια μεγάλα*, at nihil deest initio versus quarti. Quomodo illud sit explicandum, ignoro, nisi forte horum certaminum nominis forma insolentior subest. Si esset *Οὐρανιάδα* poterant comparari *Ἐρωτίδια-Ἐρώτια*, *Ἀσκληπιδεία-Ἀσκληπεία*, aliaque huius generis. At perspicue scriptum est quod iam Fourmontus dedit. Notanda sunt in eodem titulo iuncta sigla numeralia *Γ* et *ΙΙΙ*, et scriptura *πενταετηρικὸς* et *ἑξαετηρικὸς*. Nam hoc v. 6. exstare videtur.

Quod est post *τριετηρικὸς* *ΤΜ*, ut plane portentosum (340) numerum victoriarum designare non posse, Boeckh. monuit. At quod suspicatus est solum *M* scribendam esse, fieri non potest, exstat enim perspicue *T* et supra litteram *M*, si recte transscripsi, abest lineola transversa. Nescio igitur an sit pro *τομ* i. e. *τόν*, cum alias siglum *T* pro *τό* esse videatur (Franz Elem. Epigr. p. 372, C. J. n. 3481) et fortasse lapicida paullo negligentius non animadverteret *τόμ* unum vocabulum efficere.

Ante καὶ *Κρητῶν* notandum est signum interpunctionis. Videntur igitur haec verba post absolutum iam titulum adiecta esse. Quomodo autem sunt supplenda? Possis coniecere *Π* pro *πολείτην*, ut est in titulo Philadelphino C. J. n. 3426 *Ἀθηναῖος καὶ Φιλαδέλφειος καὶ Ρόδιος καὶ ἄλλων πολλῶν πολέιτης*.

Praeter hos titulos etiam alios quosdam iam notos vidi et transcripi. In eadem domo ubi n. 8, est Fourmontianus C. J. n. 1358. At desunt nunc quatuor ultimi versus. Cetera plane congruunt Fourmontiano apographo.

Sclavochorii in domo rustici est titulus Fourm. C. J. n. 1404, quem ille „Spartae iuxta templum Lycurgi“ se vidisse asserit. Desunt in parte sinistra binae litterae versuum. In v. 1 habeo *ΘΕΟΠΡΟΠΗΟΝ*, cetera ut Fourm.

Ibidem prope ecclesiam *τῆς Παναγίας* iacet columella cum inscriptione C. J. n. 1445, quam integram vidit Fourm., iam mutilatam, ut nunc est, Comes Aberdeenus, cuius apographum minus accuratum est, quam Fourmontianum. Quae enim servata sunt, fere omnia bene ab hoc sunt lecta, nisi quod v. 6 pro *Σ* est *Ξ*, quod Boeckhii iam restituit, v. 9 *EYJ* ut Aberd. scripsit, et v. 10 *Σ* omisso illo parvo intus scripto *Σ*, quod Fourm. habet. Sigma eam habet figuram, quam Fourm. praebet (□), litterae fere sunt 3—4 centim. altae.

Spartae in muro domus Nicolai Iatrakis sunt tituli Rossiani Inscr. Ined. fasc. I n. 19 et 24, sed uterque magis mutilatus, quam quo tempore Rossius eos transscripsit. Moneo tantum in n. 24. v. 5 non *ΣΗΠΠΟΣ* esse, quod ille supplevit *Ἀνδριππος* sed *ΞΗΠΠΟΣ*. Erat igitur *Ζεύξιππος*, *Σοίξιππος* vel tale quid.

In eadem domo est inscriptio, a Welckero edita in *Bulletino dell' Instit. Arch.* 1844. p. 145 quam doleo me deficiente tempore non integram transscripsisse. In fine versus ultimi ego quoque legi *ΑΦΑΡΕΙΝ*, attamen *P* minus certum mihi visum est.

ADDENDUM. p. 8. v. 5. Titulus n. 1296 non est Spartanus sed Messenius. In altera Papei lexici editione nomen *Δαμίων* receptum est.

Nº 1.

COLUMBIA
UNIVERSITY

ΠΡΟ ΟΔΟΝ ΠΟΙΗΣΑΜΕΝΟΥ ΔΑΜΙΩΝΟΣ
ΤΟΥ ΘΕΟΚΡΙΤΟΥ ΑΜΒΡΑΚΙΩΤΑ ΠΕΡΙ
ΠΡΟΞΕΝΙΑΣ ΚΑΙ ΕΠΕΛΘΟΝΤΟΣ ΕΠΙ
ΤΕΤΑΣΣΥΝΑΡΧΙΑΣ ΚΑΙ ΤΟΝ ΔΑ
ΜΟΝ ΚΑΙ ΑΠΟΛΟΓΙΣΑΜΕΝΟΥ ΑΗΝ ΠΕΠΟΙ
ΩΣ ΕΥΧΡΗΣΤΑ ΚΑΙ ΚΑΤΑ ΚΟΙΝΟΝ ΚΑΙ
ΚΑΤΙΔΙΑΝΤΟΙΣ ΕΝ ΤΥΓΧΑΝΟΥΣΙΝ ΤΩΝ
ΑΠΟ ΝΕΔΟΞΕΤΩΙΔΑΜΩΝ ΠΡΟΞΕΝΟΝ
ΕΙΝΑΙ ΤΑΣ ΠΟΛΕΟΣ ΔΑΜΙΩΝΑ ΘΕΟΚΡΙΤΟΥ
ΑΜΒΡΑΚΙΩΤΑΝ ΚΑΙ ΑΥΤΟΝ ΚΑΙ ΕΓΓΟΝΟΥΣ
ΑΙ ΥΠΑΡΧΕΙΝ ΑΤΕΛΕΙΑΝ ΑΥΤΩΙΤΕ ΚΑΙ ΕΓ
ΟΝΟΙΣ ΚΑΙ ΓΑΣΚΑΙΟΚΙΑΣ ΕΓΚΤΗΣΙΝ
ΟΤΙ ΟΙ ΕΧΘΕΛΛΑΚΕ ΔΑΙΜΟΝΙΟ ΔΕ ΕΓΔΟ
ΗΡΙΔΟΤΩΣ ΤΑΛΑΝΝΙΘΙΝΑΝ ΕΙΣΑΝ
ΑΝΑΓΡΑΦΕΙΣ ΑΔΕΔΕΔΟΜΕΝΑ ΠΡΟΞΕΝΙ
ΑΝΑΤΕΘΗΣΕΤΑΙ ΕΙΣ ΤΟΙΕΡΟΝ ΤΑΣ ΔΑΘΑΝΑΣ
ΑΤΑΣΥΝΓΡΑΦΑΝ ΚΑΙ ΓΡΑΥΕΙΟ ΑΡΧΙΤΕ
ΤΩΝ ΤΟ ΔΕ ΑΝΑΛΛΩΜΑ ΔΟΝΤΩ ΙΤΑΜΙΑΙ
ΕΠΑΝΗΣΑΙ ΔΕ ΑΥΤΟΝ ΚΑΙ ΕΠΙΤΑΙ ΕΝ
ΔΑΜΙΑΙ ΚΑΙ ΑΝΑΣΤΡΟΦΑΙ ΕΠΕΠΟΙΗΤΑΙ
ΕΝΤΑΙ ΠΟΛΕΙΚΑΛΕΣΑΝΤΩ ΔΕ ΑΥΤΟΝ
ΚΑΙ ΟΙ ΕΡΟΘΥΤΑΙ ΕΠΙΞΕΝΙΑ ΕΠΙΤΑΝ ΚΟΙ
ΝΑΝ ΕΣΤΙΑΝ

Nº 4.

ΕΠΙ ΓΡΑΤΟΝΙΚΟΥ
ΓΕΔΙΑΝΟΜΟΙ

ΑΙΩΝΙΟΣ
ΥΠΕΡΒΥΝΟΥ
ΥΠΕΡΒΥΝΟΥ

N°5.

ΑΥΤΟΚΡΑΤΟΡΙ
ΚΑΙΣΑΡΙΑΔΡΙ
ΑΝΩΣΕΒΑ
ΕΤΩΕΩΤΗ
ΡΙ

N°3.

ΝΑ
ΙΕΛΟΥΜΕΙ
ΤΗΣΑΝ

COLUMBIA
UNIVERSITY
LIBRARY

N°7.

...Ο...Μ...
ΣΕΠΙΣΘΙΞΙΔΑ
ΓΡΑΤΟΝΙΚΟΣΑΡΧΙΤΕΑ
ΩΚΛΕΙΔΑΣΠΙΣΤΟΥ
ΔΙΩΝΤΙΜΟΦΑΝΕΟΣ
ΓΟΑΙΡΩΝΑΝΔΡΟΝΙΚΟΥ
ΑΛΛΙΜΑΧΟΣΛ

N°6.

ΚΑΛΛΙΚΡΑΤΗ
ΧΑΙΡΕ
ΔΙΟΚΛΙΑ
ΧΑΙΡΕ

ΤΑΙΔΙΣΚΙΩΡΟΣ
ΘΗΝΙΩΝ

N°8.

N°2.

ΗΝΑΙΟΣ
Σ

ΗΠΟ... ΜΥΡΝΑΙΩΝΓΙΟΥΛΙΩΝ
ΙΟΥΛΙΑΝΟΝΤΟΝΙΔΙΟΝΠΟΛΕΙΤΗΝ
ΝΕΙΚΗΣΑΝΤΑΤΡΑΓΩΔΟΥΣΟΥΡΑΝΙ
ΑΔΑΓΚΑΙΠΥΘΙΑΚΑΙΑΚΤΙΑΚΟΙΝΑΑΣΙΑΣ
ΠΚΑΠΤΟΥΣΛΟΠΟΥΣΑΓΩΝΑΣΠΕΝΤΑΕΤΗ
ΡΙΚΟΥΣΤΕΚΑΗΠΙΕΤΗΡΙΚΟΥΣΤΜΠΟΛΕΙ
ΤΕΥΘΕΝΤΑΔΕΕΝΟΛΗΤΗΕΛΛΑΔΙΚΑΙΜΑΚΕ
ΔΟΝΙΑΚΑΙΘΕΣΣΑΛΙΑ←ΚΑΙΚΡΗΤΩΝΙ.

ADRIANO
VITTORIO
VIRATI